

ԲՅՈՒՋԱՆԴԱԳԻՏԱԿԱՆ ՀԱՄԱԺՈՂՈՎ «ԵԿԵՂԵՑԻՆ
ԲՅՈՒՋԱՆԴԱՅՈՒՄ IV ԽԱՉԱԿՐԱՑ ԱՐՇԱՎԱՆՔԻՑ ՄԻՆՉԵՎ
Կ. ՊՈԼՍԻ ԱՌՈՒՄԸ (1204-1453)» ԹԵՄԱՅԻՆ

Ֆրանսիայի Ստրասբուրգ քաղաքի Մարկ Բլոկ համալսարանի կամար-ների ներքո 1960-ական թվականներից հինգ տարին մեկ տելի են ունե-նում բյուզանդադեանների գիտաժողովներ՝ նվիրված Արևելահռոմեական կայսրության պատմության և մշակույթի կարևորագույն հարցերին: Այս համալսարանը Ֆրանսիայում հայտնի է իր միջնադարագիտական ուղղվա-ծությունը և հետազոտություններով, շարունակելով վառ սլահել XX դ. ֆրանսիական պատմագիտական մտքի խոշորագույն ներկայացուցիչներից մեկի՝ Մարկ Բլոկի պայծառ անունը: XX դ. առաջին կեսին Ստրասբուրգը նաև հայագիտության կարևորագույն կենտրոններից մեկն էր Եվրոպա-յում: Այնտեղ էր աշխատում հայտնի հայագետ-վրացագետ Հովսեփ Կարս-տը: Ստրասբուրգի չափազանց հարուստ գրադարանում պահպանվում են բազմաթիվ ձեռագրեր ու հնատիպ գրքեր, այդ թվում նաև հայերեն:

2002 թ. նոյեմբերի 7-9-ը Ստրասբուրգի համալսարանական պալատում իր աշխատանքները սկսեց «Եկեղեցին Բյուզանդիայում IV խաչակրաց ար-չավանքից մինչև Կ. Պոլսի առումը (1204-1453 թթ.)» բյուզանդագետների ութերորդ ստրասբուրգյան հավաքը, որն իր առջև նպատակ էր դրել վեր հանել այդ դարաշրջանի պատմության և մշակույթի մի շարք կարևորա-գույն խնդիրներ, լուծել դեռևս իրենց լուսաբանությունը սպասող հարցեր: Կոնֆերանսը նախապատրաստել էր Ստրասբուրգի Մարկ Բլոկ համալսա-րանի պատմության ֆակուլտետի միջնադարագիտության և միջերկրա-ծովյան մշակույթի ուսումնասիրության ամբիոնը պրոֆեսորներ Աստե-րիոս Արգիրուի և Կատերին Օտենի ղեկավարությամբ:

Գիտաժողովի կազմակերպիչները իրենց առջև խնդիր էին դրել հետա-զոտության նյութ դարձնել 1204 թ. լատինական կայսրության ստեղծումը հետո Բալկաններում և Փոքր Ասիայում ստեղծված քաղաքական իրավի-ճակը, Բյուզանդական կայսրության տարածքում ձևավորված պետութ-յունների քաղաքական փոխհարաբերությունները, մուսուլմանական աշ-խարհի և քրիստոնյա երկրների հակամարտության արձատները, արևմտաեվրոպական նվաճողների և տեղական ժողովուրդների (հույներ, բուլղարներ, հունդարներ, ռումինացիներ, հայեր) մշակութային և քաղա-քական առնչությունները, ուղ շրջանի բյուզանդական հումանիզմի հե-տազոտության սկզբնաղբյուրները և մեթոդաբանական սկզբունքները: Ուստի նրանք Եվրոպայի տարբեր երկրների (Իսպանիա, Իտալիա, Ֆրան-սիա, Գերմանիա, Հունաստան, Բուլղարիա, Ռումինիա, Հունդարիա, Հա-յաստան) համալսարաններից և ղիտական կենտրոններից հրավիրել էին այս թեմայի շուրջ ուրույն ասելիք ունեցող մասնագետներին:

Գիտաժողովի նիստերից մեկն անվանված էր «Օրթոդոքս եկեղեցին և իսլամը»: Երեք զեկուցում նվիրված էր քրիստոնեության և իսլամի համա-

տեղ հետազոտության խնդիրներին: Էքս-ան-Պրովանսի համալսարանի պրոֆ. Միշել Բալիվեի ղեկուցման թեման էր «Բյուզանդական եկեղեցին և վանականությունը թուրքերի տեսանկյունից»: Հետազոտողը, հիմք ընդունելով XIII–XV դդ. սլաբական, արաբական, թյուրքական և օսմանյան սկզբնաղբյուրները, փորձել էր դուրս բերել դրանց մեջ եկեղեցուն և վանականությունը վերաբերող վկայությունները՝ համախմբելով դրանք իր ղեկուցման համապատասխան բաժիններում: Անդրադառնալով այդ տեղեկությունները հաղորդող սկզբնաղբյուրների ժանրային առանձնահատկություններին (էպոս, պատմություն, վկայաբանություններ, վավերագրեր)՝ հեղինակն առանձնահատուկ ուշադրություն էր դարձնում օգտագործված տեքստներին (քեչիչ, ռահիբ, փափաղ, քենիսե, քիլիսե, մանաստիր, պատրիկ, մետրոպոլիտ): Զեկուցումն ավելի կշահեր, եթե ելույթ ունեցողը փորձեր միմյանցից զատել քրիստոնյա քույր եկեղեցիներից ամեն մեկին վերաբերող վկայությունները և արձանագրեր սկզբնաղբյուրներից յուրաքանչյուրի վերաբերմունքը դրանց նկատմամբ: Քննարկմանը ներկա էր նաև Դանիշմանդնամեի հրատարակիչ, Ստրասբուրգի համալսարանի պրոֆ. Իրեն Թումանովը: Գերմանացի հետազոտող էրիխ Տրասլը (Բոնն) իր ղեկուցումն անվանել էր «Քրիստոնեության և Իսլամի փոխհարաբերությունները լուսարանող XIII–XV դդ. քիչ ծանոթ մի շարք երկեր», ուր անդրադարձավ Հովհաննես Կանտակուզենի և նրա որդի Մանուել II-ի, Հովհաննես Վրիենոսի, Մակար Մակրեսի և այլոց մատենագրական ստեղծագործություններին: Ավանդական բանասիրական դասակարգման ենթարկելով մեղ հասած երկերը, որոնք հակաճառություններ են Իսլամի դեմ, ղեկուցման հեղինակը մեզ հասած ստեղծագործությունները բաժանեց՝ ա) դավանաբանական և հակաճառական, բ) վարքագրական և ճառագրական, գ) պատմական, դ) նամակագրական, ե) հոետորական և զ) փիլիսոփայական երկերի: Պրոֆ. Աստերիոս Արգիրուն, շարունակելով վերոհիշյալ թեման, իր ղեկուցման մեջ անդրադարձավ XIV դ. Թեսալոնիկյան մտավորականներ Իսիդոր Գլաբասի, Ամենոնի և Մակար Մակրեսի հակամուսուլմանական կեցվածքին և դրվածքներին: Կատանիայի համալսարանի պրոֆ. Ռենատա Ջանտիլ Մեսինայի ղեկուցումը նվիրված էր Կ. Պոլսի պատրիարքների հեղինակության և կայսերական իշխանության դինաստիականության խնդիրներին ու Արսեն Օտորանոսի ճակատագրին: Խնդրի կարևորությունը ընդգծվում է հատկապես նրանով, թե ինչ միջոցներով էր բյուզանդական աշխարհում ապահովվում կայսերական իշխանության օրինականացումը:

Համաժողովի հաջորդ նիստը նվիրված էր բյուզանդական եկեղեցու փոխհարաբերություններին: Էկոլ դը Ֆրանսի բյուզանդադիտական ինստիտուտի տնօրեն Ժան-Կլոդ Շենեն, հիմնվելով IV խաչակրաց արշավանքի նախօրյակին և անմիջապես դրանից հետո դրված երկերի վրա, փորձում էր քարտեզի վրա արձանագրել «Կ. Պոլսի լատին եկեղեցու ունեցվածքը Փոքր Ասիայում»: Մարկ Բյոկ համալսարանի պատվո պրոֆ. Պիեռ Ռասինի ղեկուցումն անվանված էր «Արևելքի և Արևմուտքի եկեղեցիների միությունն անհնարինությունը», ուր հեղինակը մեթոդաբանական եղրակացություններով փորձեց վերարձարձել խնդիրը: Նույն նիստի հաջորդ երեք ղեկուցումները նվիրված էին կաթոլիկ և օրթոդոքս եկեղեցիների ներսում

սկսված միարարական շարժման խնդիրներին: Ամիենի համալսարանի պրոֆ. Կլոդին Դելակրուա-Բեսնիեի ելույթը նվիրված էր Կ.Պոլսի Բերաթագամասի դոմինիկյան վանքի կրոնավոր Ֆիլիպ Բերացու 1358/59 թ. գրած «De oboedientia Ecclesie Romane debita» («Վասն հնազանդության թուլացած հռոմեական եկեղեցու») երկին, որը մի ժամանակադրություն է Պետրոս Առաքյալից մինչև 1320 թ., ուր հեղինակն անդրադառնում է Ղուզի և Կ. Պոլսի եկեղեցական փոխհարաբերություններին՝ քաղցումներ կատարելով կեղծիսիդորյան գրությունից և Գրատյանի ապոկրիֆ հրովարտակից: Միջնադարյան հեղինակն օգտադործել է նաև բաղամաթիվ հունարեն սկզբնաղբյուրներ, որոնց միջոցով փորձում է ապացուցել սլավական իշխանության առտջնությունը: Այս նյութը կարևորվում է նաև Հայադիտությունից տեսանկյունից, քանի որ նույն դարաշրջանում կլիկյան Հայաստանում ևս Հայտնվում են ժամանակադրություններ և պատմական աշխատություններ, որոնց նյութը սերտորեն առնչվում է քննարկվող մատենադրական երկի բովանդակության և սկզբնաղբյուրների հետ: Կ.Պոլսի և Ղուզի եկեղեցիների փոխհարաբերությունների պատմությանը և հատկապես Ֆլորենցիայի եկեղեցական ժողովին առնչվող խնդիրների պարզաբանումն էին իրենց առջև դրել Փարիզ I համալսարանի դոկտորանտ Մարի-Էլեն Բլանշեն («Պառակտման կողմնակիցների ընդդիմությունը Բյուզանդական եկեղեցու ներսում Ֆլորենցիայի Միությունից հետո (1440–1445)») և Թուլուզի համալսարանի դոկտորանտ Թիերի Գանչուն («Բյուզանդական ազնվականության դիրքորոշումը սլավոնական նկատմամբ Ֆլորենցիայի ժողովի նախօրյակին»):

Գիտաժողովի հաջորդ նիստը նվիրված էր Բյուզանդական արևելքի տարածքներում դործող եկեղեցական կազմակերպություններին: Այստեղ երկու զեկուցումներով հատկապես շեշտվեց Հայկական տարրի և եկեղեցու ակտիվ դործունեությունը Փոքր Ասիայում և Բալկաններում IV խաչակրաց արշավանքի դարաշրջանում: ՀՀ ԳԱԱ արևելագիտության ինստիտուտի բաժնի վարիչ Ա. Բոզոյանի զեկուցումն անվանված էր «Հայ-բյուզանդական եկեղեցական փոխհարաբերությունները XIII դարի առաջին կեսին», ուր ներկայացվում էին վերջին տարիներին բյուզանդագետների (հատկապես ակադ. Հր. Բարթիկյանի) կողմից շրջանառության մեջ դրված վավերագրերը՝ ծանրանալով Կոստանդին I Բարձրաբերդցու Հռոմ և Կ.Պոլիս առաքված Հավատո հանդանակի վրա: IV խաչակրաց արշավանքի նկատմամբ Հայ բնակչության վերաբերմունքին էր նվիրված Մոնպելիեի համալսարանի պրոֆ. Ժ. Դեդեյանի «Հյուսիս-արևմտյան Փոքր Ասիայի և Բալկանների Հայկական համայնքները IV խաչակրաց արշավանքի նախօրյակին» ելույթը: Քննարկումների ժամանակ շեշտվեց այս խնդիրների հետագա հետազոտության կարևորությունը:

Առանձնակի հետաքրքրության նյութ էր դարձել նաև արևմտաեվրոպական ազնվականության և ֆինանսական շրջանների ու օրթոդոքս եկեղեցու փոխհարաբերությունները: Վենետիկի բյուզանդական և ուշ բյուզանդական հելլենական հետազոտությունների ինստիտուտի տնօրեն, Աթենքի համալսարանի պրոֆ. Քրիստա Մալտեզուն իր զեկուցումն անվանել էր «Վենետիկի տիրապետության դարաշրջանի օրթոդոքս եկեղեցու պատմության վավերագիր մասնաբաժինը», ուր անդրադառնում էր Կ.Պոլսի ա-

ուումից հետո բյուզանդական եկեղեցիների պահպանումը պահպանված վենետիկյան վավերագրերին և դրանց նշանակությունը: Ռուսների համալսարանի պրոֆ. Ժիլ Գրիվոն անդրադարձավ չափազանց հետաքրքիր մի խնդրի. «Լուսինյանները հունական եկեղեցու պատրոններ», ուր անդրադարձ կատարեց լատին իշխանավորների կողմից հունական եկեղեցիների ֆինանսական և բարոյական հովանավորման քաղաքական դրդապատճառների վրա:

Բալկանների բազմազգ տարածաշրջանում IV խաչակրության քաղաքական, եկեղեցական և մշակութային ազդեցությունների հետազոտությունն էին նվիրել իրենց զեկուցումները դր. Բասիլ Յորդուկեսկուն («Վատ Հայտնի կանոնական մի կրճիմի նոր բացատրություն. XIV դարի վերջին հունգարովալախիայի աթոռին ձեռնադրված երկու մետրոպոլիտներ»), Բուխարեստի համալսարանի պրոֆ. Էմիլիան Պոպեսկուն («IV խաչակրությունը և դրա հետևանքները Վերին Դանուբի տարածաշրջանում կաթոլիկության տարածման համար»), Սոֆիայի համալսարանի պրոֆ. Վառիլակ Տասկուվա-Ցայմովան («Օրիդիդայի ինքնագլուխ արքեպիսկոպոսությունը. դրա փոխհարաբերությունները Կ. Պոլսի պատրիարքության և Բալկանների մյուս եկեղեցիների հետ»), Ռուսիայի ԳԱ աշխատակից Ջամֆիրա Միխայելը («Արևմտյան մատենադրական երկերի յուրացումը XIII–XIV դդ. օրթոդոքս վանքերում»), իսկ Մագրիդի Բանասիրության ինստիտուտի հունալատինական բաժնի աշխատակից Պեդրո Բադենաս դե լա Պենան ունկնդիրների ուշադրությունը հրավիրեց «Օրթոդոքսությունը և ազգային ինքնագիտակցությունը Բալկաններում միջնադարի վերջում» հարցադրման վրա: Պալամիզմի և պատկերապաշտության աստվածաբանության խնդիրների վրա էր կառուցել իր զեկուցումը դր. Միխայել Բրատյուն:

Գիտաժողովի նախավերջին նիստն ամբողջովին նվիրված էր արվեստի և հնագիտության հարցերին: Առանձնապես հետաքրքրությունը լսվեց Ֆրանսիայի ազգային գիտական հետազոտությունների կենտրոնի աշխատակից Ատավրիոս Լազարիսի («Եկեղեցին և մշակույթի նորացումը Պալեոլոգների դարաշրջանում. պատկերադրության և բնագիր սկզբնաղբյուրների կապը») զեկուցումը. պարզվեց, որ XV դ. արաբերենից հունարեն է փոխադրվել նույն դարաշրջանում հայերեն թարգմանված Զիբուլոսի: Յանինայի համալսարանի պրոֆ. Նանո Խացիկադիսի («Պատկերագրության արվեստը լատինական գավթման դարաշրջանի Հունաստանում») և Իվան Դուլչեի հետազոտական կենտրոնի տնօրեն, պրոֆ. Աքսինիա Զուրովայի («Նոր տեղեկություններ Ատրաքսոսի գրադարանի ձեռագրական ֆոնդի պատկերագիր հունարեն ձեռագրերի մասին») ելույթները նվիրված էին մանրանկարչությանը, իսկ պրոֆ. Լյուդմիլա Խրուչկովան (Մոսկվա) ներկայացրեց «Եկեղեցական և արվեստաբանական փոխհարաբերությունները Պալեոլոգների դարաշրջանում, Արևմտյան Վրաստանի և Կոստանդնուպոլսի միջև» զեկուցումը, ուր հիմնականում անդրադարձավ Աբխազիայի և մերձսևծովյան տարածաշրջանի XIV – XV դդ. եկեղեցաշինությանը: